

BONERIANO®



EDITOR:
Bonaire Communication Services N.V.

Djammers 19 sèptèmber 2023 | Preis: \$1.25

MAS PERSONA INDOKUMENTÁ

Esfuerso pa inspirá, motivá i guia estudiante



ROA CN ke mensioná kon eksitante tabata pa tin un sala yen di hende hasiendo e esfuerso pa inspirá, motivá i guia studiantenan lokal. ROA ke gradisí tur partisipante, partner, treinernan di Ki Connect i e studiantenan di MBO, ku a asistí durante henter dia ku nan presensia i kolaborashon.

2X Double Points Tuesday!
ALL DAY EVERY TUESDAY!
Earn Double Points on your Club Card
Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

EDITORIAL
PAPIANDO DI INTEGRIDAT DI KONSEHAL

BZK ta hala orea di Konseho Insular
PAG 4

PA TUR BO PIESA I TIRE PA BO AUTO, BUS OF TRUCK
NAPA
KAYA CARLOS A. NICOLAAS | 717-6272

xerox™
OBERSI ELECTRONICS BONAIRE

www.cityshopbonaire.com
City Shop Bonaire
+599 700.6442
+599 717.3666
City Shop
Smart shopping • Better living

LIVE FM 99

Ku tur probabilidadat ta bai basha e kas abou pa konstruí apartamentu

Menasa ku kas Pachi Toni i Machi Dodo ta disparsé

KRALENDIJK – Tur kos ta mustra den direkshon ku e kas di e pareha legendario, Pachi Toni i Machi Dodo, kant'i awa den Playa Pabou, ta bai disparsé. Parse ku sea a bende kaba òf e trámitenan ta hopi leu pa bende e kas ku un empresario Hulandes, kende ta bai konstruí apartamentu riba e tereno.

E kas di e legendario pareha Pachi Toni ku Machi Dodo den Playa Pabou, ta un kas históriko i por konsider'é komo un monumento, sí ainda e no ta. Ta hopi famia i otro hendenan tabata frekuentá e kas akí ku regularidat, un kas ku tin hopi historia su tras.

Segun informashon optené, parse ku e posibel doño nobo ya a aserká un nietu di Pachi Toni i Machi

Dodo kende ta biba den e kas i a inform'é ku e sitio ta unu ideal i e intenshon ta pa basha e kas abou i konstruí apartamentu. Parse ku tin sierto familiar ku no ke bende, pero tin otronan sí ku ta kla pa bende i te asta ta asina ku tin un karta di intenshon firmá pa bende. Pero parse tin un kaso pendiente den Korte pronto pa atendé e benta akí.

BONERIANO a tuma kontakto ku un nietu di Pachi Toni i Machi Dodo, kende a reashoná di e siguiente forma: “Mi tin konfirmá ainda, aunke ku segun otro famianan tur kos ta kla pa bende. Karta di intenshon ta riba mesa i tur kos ta palabrá kaba di parti di e famia ku tin kas bou di su nòmber. Un pintura di kas di Machi Dodo i

Pachi Toni ku posiblemente tambe lo bai pèrdí. Ken ta kòrda Machi Dodo i Pachi Antonio, mi wela ku a mustra nos ku felisidat no ta sèn so i tur e rikesa ku bo a akumulá.”

E nietu a sigui kontá, sí no ta pa bo humildes i sa kon pa kompartí loke bo tin, Machi a duna hospitalidat i kompartí su kas i duna di kome i bebe na hopi hende. Un di su dichonan markante ora bo yega su kas tabata: “Mi yu bo a kome kaba.” Sí ta un piskadó òf hende di otro isla, e ta puntra: “Bo mester un lugá di alohá bo mes.” Asina e ta sigui ku tur su karakter.

Den kushina mainta kòfi kla i webu herebé, mèrdia bai kue anochi, sòpi piská i piská hasá i e funchi riba mesa pa tur ku a bin bebe i kome sin nunca a pidi algu bèk. Esei ta Machi Dodo, e nietu a kontá.

Finalmente nos a kom- Korte pa wak sí por bende e prondé ku tin un kaso den kas sí òf nò.



NOS A TOPA



Roland Colastica tremendo persona, presentadó impreshonante. Nos a topa na Mangasina di Rei resientemente i sera konosí.

El a kontá mi ku e ta biahá masha hopi lugá, no komo su persona, pero pa trese informashon oral di pasado, bida di sklabitut. Nos mester rekonosé otro i no bringa otro. El a bisa e no por a kere e ta bin Boneiru i presentá na Hulandes. Anto esaki ami ta bisa, wèl ta na Boneiru so e kosnan aki ta sosodé. Na diferente okashon mi ta puntra dikun sigui papia Papiamentu aki. Mayoria organisashon tur nòmber ku bini ta na Ingles. Si bo bai Merka, bo tin ku papia sea Spaño òf Ingles i no Chines òf Papiamentu. Maar goed.

Asina Roland a kombersá un momentu riba e dia. Tambe tabata huntu ku nos Sulaika, ku ta laborá na Radio Flamingo, huntu ku Tico, mi amigu ruman di barío Sabana. Sulaika ta hende di famia Molina, pues e ta poko Rinkonero.



Pronóstiko di tempu pa Boneiru

Djaluna 18 te Djarsars 19 Sèptèmber 2023

Leve te parsialmente nublá i chèn chikí pa un áwaseru

Ta leve te parsialmente nublá i tin un chèn chikí pa un áwaseru. E temperatura máximo lo ta aproksimadamente 34°C, e temperatura mínimo mas o ménos 28°C. E bientu ost ta moderá, forsa 3-4, na kosta nort i ost posiblemente de bes en kuando basta fuerte, forsa 5.

Altura di ola: aproksimadamente 1.5-2.0 m (4-6 pia)

*** Altura di ola válido pa laman grandi**


GRADISIMENTSU I INVITASHON

Esposa, yunan i demas famia di

Marco F. Martis

konosi komo Papachi

kier a gradisi un i tur ku a mustra atenshon na ora di morto i entiero di nos ser kerí. Boso atenshon tabata di gran konsuelo pa nos.



Nos ta invitá na 3 santu sakrifisio di misa pa deskanso di su alma, mañan djarason 20 sèptèmber pa 7'or anochi na parokia San Bernardo na Playa, djaweps 21 sèptèmber pa 10'or mainta na kapél i djabierne 22 sèptèmber pa 7'or anochi na parokia San Bernardo na Playa pa 7'or anochi.

Aseptá esaki komo un invtashon personal.

MAS PERSONA INDOKUMENTÁ

KRALENDIJK- Tin tur indikashon ku e kantidat di persona indokumentá riba Boneiru ta oumentando. Miéntras poblashon di Boneiru ta krese, e personanan i famianan ku ta establese nan mes riba e isla sin e pèrmit nesesario ta bira mas hopi.

“Den mundu kompleto por mira e tendensia aki i Boneiru no ta diferente”, Pastor Ivan Perez Gomez ta splika. E ta fundadó

di Caritas na Boneiru, e organisashon ku ta yuda migrantenan sin dokumentu di estadia. E ta bisa ku durante e kongreso Latinoamerikano i Karibe di Caritas, hus-tamente a papia tokante e topiko aki. A alertá tokante kresementu di e grupo di hendenan sin e dokumentonan rekerí. Riba nos mesa di redakshon a yega informashon tokante e situashon aki.

Ainda no tin bon kla

kuantu persona indokumentá tin na Boneiru. Apesar ku no tin sifranan konkreto, tabatin un indikashon ku ta trata di mil persona. “Durante e pandemia di COVID-19 e grupo aki a bira mas grandi. Awor sigur tin mas hende den e situashon aki. E grupo ta kresiendo”, nos fuente ta bisa. E fuente digno di krédito aki ta preferá di keda anónimo. Tambe e ta atvertí tokante un situashon ku sigur den e último 5 añanan a bira pió. Ta trata di personanan ku nashonalidat Hulandes. Nan tin pasaporte Hulandes, i ta bin for diferente

lugá den reino. “Nos ta mirando bastante hende ku ta traha i biba aki sin e pèrmit nesesario. Famia kompleto. Hopi hulandes oropeo pero tambe hopi kurasoleño. Nan tempu pa keda aki ta pasa pero nan ta sigui biba ‘ki. Sí haña nan, ta pa koin-sidensia”, segun nos fuente. Un persona ku pasaporte Hulandes por keda máksimo 180 dia na Boneiru. Segun abogado dr. mr. Anthony Nicolaas no ta tur hende ta tene su mes na e término di estadia liber. “E persona aki por traha 90 dia sin niun restriksion. Despues di e dianan aki bo ta nota al-

gun no ta bai bèk, nan ta keda aki i sigui traha”, e hurista ta splika. Segun nos fuente, specialmente den e sektor di konstrukshon i horeca por nota personanan ku pasaporte hulandes ta laborá sin e pèrmit nesesario. No opstante kontrolnan multidisiplinario, por ripará ku e grupo aki ta birando mas grandi. BONERIANO a tuma kontakto ku e unidatnan di Rijksdienst Caribisch Nederland (RCN) ku ta atendé e topiko aki, pa sa kon lo atendé ku e situashon. Ainda nos no a risibí nan reakshon.

Partisipashon Seramentu di kaya



Ta sera e siguiente kayanan temporalmente pa tráfiiko motorisá riba **20 te ku 23 di sèptèmber 2023** entre **07.00 or pa 18.00 or**, debí na **slopmentu di e edifisio di BOG NV:**

Kaya Grandi: di Kaya Kaya Libertador Simon Bolivar te ku Oranje Plein.

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será komo kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber
interino
R. Oleana

Sekretario Insular
mr. C.J.L. Frans



Diferente prosèsferbal pa violashon den tráfiiko

KRALENDIJK— Polis riba djamingu 17 di sèptèmber a para un skuter riba Kaya Nikiboko Sùit. E shofùr no por a mostra dokumentunan di e skuter i no por a mira e number di chasis bon . El a haña un prosèsferbal pa manehá sin seguro bálido i a konfiská

e skuter pa mas investigashon.

Djasabra 16 di sèptèmber a duna dos shofùr ku tabata enbolbí den aksidente, un prosèsferbal. E promé shofùr tabata enbolbí den un aksidente entre dos outo riba Kaya Oro. El a haña un prosèsferbal pa mane-

há sin seguro bálido. E di dos shofùr tabata enbolbí den un aksidente entre dos outo riba Kaya Korona. El a haña un prosèsferbal pa manehá sin seguro bálido i sin reibeweis bálido.

Mesun djasabra, alrededor di 6.20 or di atardi, a para un skuter riba Kaya Pos di Amor. E shofùr tabata manehá sin un hèlm bistí. Despues di un kòntrol mas aleu a resultá ku e skuter tabatin plachi di number falsifiká. A konfiská e plachi di number i e shofùr a haña un prosèsferbal pa manehá sin un hèlm bistí.

Ademas a duna tres prosèsferbal pa manehá sin reibeweis bálido, un prosèsferbal pa manehá sin seguro bálido, un prosèsferbal pa manehá sin faha di seguridad bistí i un prosèsferbal pa stashoná robes.



S.R. International N.V.

ta buska

- 1 electricien
- 1 manager

Mas inf tel # **701-1713**

Pa atendé ilegal

BZK ta hala orea di Konseho Insular

KRALENDIJK – Ministerio di Asuntunan Interno i Relashon di Reino, BZK, na bíspera di un reunion, a atvertí Konseho Insular di Boneiru pa atendé ilegal, esta pafó di lei.

Algun ora promé ku Konseho Insular tabata na punto pa tuma un desishon

tokante e ordenansa informashon i formashon di desishon Konseho Insular 2023 dia 11 di sèptèmber, Den Haag a manda un nota Kralendijk.

E proposishon, asina e ministerio ta skirbi, ta kontra ku entre otro e lei Entidat Públiko BES. Asina

ta tacha e dualismo dor di stipulá ku Kolegio Ehekutivo solamente por hasi algu sí Konseho Insular duna pèrmit delantá. Meskos tambe ta konta pa e opshon pa regulashon nashonal ku ta tacha Boneiru, hurídikamente no ta defendibel.

Pa e forma kon mester

Konseho Insular atendé, ya pronto ainda a trese algun adaptashon den e konsepto, pero esaki no ta ofresé konsuelo, segun BZK.

Apesar di e ilegalidat di e ordenansa, e frakshonnan

di Partido Demokrat i M21 a vota na favor.

Komo ku UPB i MPB a vota kontra, a referí e proposishon bèk pa kombersashon den relashon di komishon.



Medionan tradishonal ta pèrdiendo tereno den duna opinion ku profundidat

Baila riba ola di krítika

KRALENDIJK -- Asuntunan manera pèrmit di konstrukshon, dokumentunan pèrdí, sekresia di komishon pa atendé un gezaghebber nobo i akusashon ku Nolly Oleana ta ple sabí, ta tacha e lema huntu nos ta forma un komunidad. Nòmber di kandidato ku a solisitá pa e funshon di gezaghebber, konsehal i diputadonan, ta balia riba ola di krítika. Esaki Arthur Sealy ta trese dilanti den su komunikado semanal. Tin sigur dos parti, segun Sealy. Esnan ku ta trese nan punto dilanti no ta karga responsabilidad manera e konsehal

of Kolegio Ehekutivo ku sí ta karga responsabilidad. Komunikado i komentario riba medionan sosial, mester por realisá algu di balor loke ta nifiká un aktuashon di birtut. Formanan di birtut ta hustisia den komunidad i e kurashi pa den komunikashon ku otro ku sí ta konsientisá di ta onesto ku komunidad. Medionan tradishonal ta pèrdiendo tereno den duna opinion ku profundidat. No tin tempu pa hasi investigashon profundo ku ta dura largu. Si tuma e kaso di gezaghebber, por kuminsá puntra kon bini ta papia di un kandidato

den un posishon fuerte pa bira gezaghebber. Hipotétikamente un kontesta no probá, por bisa tabatin influensia pa divulgá un nòmber spesífiko tur ku a solisitá ta fuerte pa bira gezaghebber, e kandidato mes a divulgá esaki, Sealy ta skirbi.

Sealy ta sigui, un otro kandidato a divulgá esaki a base i konosementu di e komishon e konklushon ta ku e ta pará mas fuerte ku un otro pa bira gezaghebber. Asina por tin mas hipótesis. Sí e punto di salida ta mantené sekresia ta mas ku na su lugá pa RCN investigá unda e sistema a faya.

Stone Crushers B.V.

ta buska

truck-chauffeur

Mas inf tel #

785-0563

Último 'Taste of Bonaire' pa 2023

Tourism Corporation Bonaire ta bai organisá su último Taste of Bonaire'

KRALENDIJK --

Tourism Corporation Bonaire (TCB) ta bai organisá su último 'Taste of Bonaire' pa aña 2023. E evento ta bai tuma lugá djasabra 30 di sèptèmber den Parke Wilhelmina, di 6'or di atardi pa 11'or di anochi, den un tremendo ambiente ku e tema 'Turismo'.

E 'Taste of Bonaire' akí ta relashoná ku klousura di luna di turismo.

E programa ta kargá ku músika i talento i tin stènt ku ta bende kuminda lokal i internashonal. E agrupashon musikal Rítmiko Timon Krioyo i tambe

TES A FESA, ta presente pa animá e anochi.

Pa duna e 'Taste of Bonaire' un toke mas atraktivo, tin un tremendo show di Brass Band The Boyz i presentashon di DJ Kiart.

Durante e anochi tin entrega di premio na e ganadónan di e tremendo spùrtògt.

TCB ta invitá pueblo di Boneiru i tambe tur bishitante pa bin pasa un ratu ameno djasabra 30 di sèptèmber na e último 'Taste of Bonaire' pa e aña akí ku e tema 'Turismo' den Parke Wilhelmina.



REUNION KOMISHON FIHO (S&Z)

Djárason 21 di sèptèmber 2023 pa 16:00 or ta tuma lugá un reunion di komishon fiho di Komunidad i Kuido (Samenleving & Zorg, S&Z) den sala di reunion den Passangrahan.

Agènda

1. Apertura/partisipashon;
2. Oportunidat pa siudadano hiba palabra;
3. Dokumentonan ku a drenta;
4. Stipulashon di agènda;
5. Splikashon di e diseño di presupuesto 2024 di Entidat Públiko Boneiru i e perspektiva di mas aña 2024-2027;
6. Klousura.

Ta invitá Kolegio Ehekutivo.

Ta publiká e konvokashon akí riba e parti públiko di e sistema di informashon di Konseho Insular (www.konsehoinsular.com). Te asina leu ku ta aplikabel, e dokumentonan konserní manera kustumber ta na Grefi na disposishon. Ta transmití e reunion akí live riba TV, e página di i Youtube i e website di Konseho Insular.

S. Chirino-Felida
Presidente

Edifisio di 18 piso a kima

SUDAN – Den e kapital di Sudan, Khartoem, e edificio di 65 meter haltu Greater Nile Petroleum Oil Company Tower, a kima.

No ta konosí orígen di e kandela, pero den e kapital ya pa hopi tempu tin bringamentu entre e forsa armá di Gobièrnu e trupanán

paramilitar RSF. Si tin hende a muri den e kandela no ta konosí. Den e toren e oficina prinsipal di un empresa di petrolio ta establese.



Pa pone fever riba kaya

A bai ku dos skuter

KRALENDIJK - Djadumingu 17 di sèptèmbersentral a risibí notifikashon tokante ponementu di fever na Kaya Aruaco. Na yegada di patruya, a mira un hòmber riba un skuter korien-do den direkshon di Kaya Leeuwaarden. E hòmber a lora bai bèk den direkshon di Nort'i Saliña na momentu ku ela nota presensia di polis. Polis a bai su tras. E sospechoso a kore bai para banda di un otro

hòmber riba un skuter. E agentenan a kuminsá ku un investigashon na e sitio i a konfirmá ku ámbos shofùr tabata enbolbí den e ponementu di 'fever'. Na momentu ku a pidi e hòmbernan pa identifiká nan mes, solamente unu por a kumpli ku e petishon. E otro shofùr no tabatin un plachi di number riba su skuter. En konekshon ku e infrakshon nan menshoná, a bai ku ámbos skuter warda di polis.



EDITORIAL

PAPIANDO DI INTEGRIDAT DI KONSEHAL

Den un editorial anterior BONERIANO a trese dilanti ku miembronan di Konseho Insular mester ta ehèmpel i modelo pa komunidat ku nan ta representá i sirbi. Pero ku lástima mas i mas ta ripará ku esaki no ta e kaso. Nos a menshoná e asunto di Daisy Coffie, lider di e partido polítiko M21, e asunto di Hennyson Thielman ku e asunto di kompania Hype Events i pa nos no lubidá Clark Abraham, lider di partido Demokrat ku su afèr di klechi di kama pa Mariadal.

Algún eksperto a mustra BONERIANO riba eksistensia di un asina yamá 'Gentle Agreement', na papiamentu 'akuerso amikabel', ku ta toka e tema di mantenshon di integridat den polítika. E akuerdo amikabel menshoná a keda akordá dia 29 di yanüari 2019 i su number di archivo ta 2019001055. E mésun dia e kódigo di komportashon pa miembronan di Konseho Insular a keda aprobá i e number di archivo ta 2019001057.

E akuerdo aki ta kontené proseduranan ku miembronan di Konseho Insular a palabrá ku otro tokante kon ta anda ora tin posibel violashon di reglanan di integridat. E akuerdo ta brinda tambe un bon orientashon si tin duda riba un tema di integridat ora ta sospechá ku reglanan di integridat a keda violá.

Mester bisa ku e akuerdo amikabel tin sierto peso, pasobra miembronan di Konseho Insular a komprometé nan mes pa medio di nan firma ku ta kompartí sierto prinsipionan entre otro di ta kuidadoso, ta mantené bon kustumber i ta alsa e kódigo di komportashon riba nivel di polítika partidista.

Tumando na kuenta e akuerdo di amikabel i e kódigo di komportashon pa miembronan di Konseho Insular, BONERIANO no por otro ku di konkluí ku e miembro di Konseho Insular di M21, ku ta Daisy Coffie, a violá e akuerdo amikabel i e kódigo di komportashon na un manera flagrante.

Den e kaso di diputado Hennyson Thielman el a saka un komunikado kaminda el a konkluí ku diputado Thielman tin ku tene honor na su mes i tin ku retirá. Kontra tur palabrashon i prosesonan establese ya el a kondená e diputado kaba.

E akuerdo amikabelel ta bisa ku si un miembro di Konseho Insular ta duda riba un echo òf komportashon di un diputado, e por diskutí esaki ku un otro miembro i mester pidi e grifir si e hecho òf komportashon di e diputado lo por ta un violashon di integridat. Si e grifir ta di opinion ku tin un violashon di integridat, e miembro di Konseho insular i e grifir ta bai serka gezaghèber. Gezaghèber lo duna un konseho despues ku ela kon-

sultá ku ekspertonan interno i eksterno ku mester hasi un investigashon preliminar. Konseho Insular mester sigui e konseho aki. Kòrda bon, e akuerdo amikabel ta indiká bon kla ku e miembro di Konseho Insular riba su mes no por hasi un investigashon preliminar.

Si enberdat sali afó ku e diputado a faya, e gezaghèber ta presentá e resultatonan di e investigashon na presidio, kompañá pa un konseho di sankshon. Ta diskutí e resultatonan di investigashon i kon esaki lo keda presentá na Konseho Insular i kon ta e manera mas adekuá pa komuniká e resultatonan di e investigashon i e desishon di Konseho Insular na pueblo. Konseho Insular mester tuma despues un desishon definitivo ku mester ta kompletamente lòs for di kualke cuadro polítiko partidista. Klaramente por konkluí ku Daisy Coffie no a tene su mes na e akuerdo en kestion i a violá flagrantemente e kódigo di kondukta ku ta bisa ku miembronan di Konseho Insular mester ta prudente ku informashonnan ku nan risibí ku ta relatá na privasidat di tersernan.

Asta por ripará kon ignorante e lider di M21 ta, dor di eksigí tur konseho i informashon di Kolegio Ehekutivo pa loke ta trata e pèrmit di konstrukshon ku Hype Events a pidi.

Asta Clark Abraham, den e afèr di klechi di kama ku Fundashon Mariadal, a indiká ku no ta apropiá pa reashoná den prensa riba e tema aki, pasobra ta trata di un kontrato entre dos empresa privá mará na kondishon i términonan.

Hype Events tambe ta un empresa privá ku a base di derecho atministrativo a pidi un pèrmit serka Entidat Públiko di Boneiru. E mester konta i konfia ku e prosedura di otorgamentu i contenido di pèrmit no ta keda hasi públiko, manera Daisy Coffie ta kier hasi.

BONERIANO ta di akuerdo ku e ponensia di MPB ku a kategorisá e komportashon di Daisy Coffie komo altamente lamentabel, kondenabel i infantil. I nos ta agregá: No íntegro!

E direktiva di M21 mester bai tuma un desishon si nan ta laga nan miembro di Konseho Insular sigui riba e ruta aki, ku ta un atentado kontra e konfiansa ku pueblo mester tin den demokrasia en general i su representantenan en partikular.

BONERIANO por último ta hasi un apelasion fuerte riba gezaghèber interino i demas miembronan di Konseho Insular, pa ratifiká atrobe e akuerdo amikabel pa e periodo aktual di legislashon i asta mar'é den un desishon pa dun'é mas peso.

Paso importante pa dilanti

Esfuerso konhunto pa mobilidat i alkansabilidat sostenibel

KRALENDIJK -- Dia 31 di ougùstùs interesadonan eksterno a bini hunto un biá mas durante e di tres seshon tokante mobilidat i alkansabilidat sostenibel ku Direktorado di Planifikashon i Desaroyo a organisá na nòmber di Entidat Públiko Boneiru. E enkuentro akí ta marka un paso krusial den atendentu ku e desafionan di mobilidat na Boneiru. Kolaborashon, skucha otro i uni forsa, a para sentral

den e esfuerso eksitoso akí.

Entidat Públiko Boneiru ta komprendé ku e nesesidat pa transporte na Boneiru ta kresiendo i ta realisá su mes ku ta importante pa mantené nos isla bon alkansabel. E aspirashon pa yega na un sistema di transporte públiko strukturalmente organisá, huntu ku alternativanan sostenibel i vital manera kore baiskel i kana, entre otro ta pará sentral den e

vishon pa mobilidat di futuro i di Boneiru.

Den esaki ta evaluá kada posibel solushon a base di seis kondishon básiko, inklusivo pa tur hende, alkansabel, seif, sostenibel, pagabel i inovativo.

Bou di guia di e konsehero di mobilidat i komportashon sostenibel, Marc van der Seijs di Adviesbureau & Morgen, durante e seshonnan a invitá mas ku 20 organisashon

i interesado lokal, entre otro Fundashon Mariadal, Fundashon Cas Boneriano, Kámara di Komèrsio, BIA, WEB, BONHATA, MiVaBo, TCB, STINAPA, Rocargo i Banko Maduro, pa traha huntu i kompartí idea.

Komo preparashon riba e seshon, kada un di nan a koperá tambe ku un entrevista tokante e tema.

E enkuentro a sòru pa un entusiasmo i kolaborashon grandi serka e partisipantenan, ku a haña inspirashon pa medio di ehèmpel di solushon pa mobilidat i alkansabilidat for di henter mundu, pero tambe for di den region. Kada partisipante a rekonosé tambe prinsipalmente e importansia di kolabo-

rashon entre partidonan pa por logra den e propósito i vishon akí. Pa medio di traha konhuntamente riba e tareanan, ideanan balioso i aplikabel a bini dilanti.

Entidat Públiko Boneiru ta enfatisá ku sosten fuerte i integral for di tur sektor ta krusial pa éksito di e plan di mobilidat, segun diputado Hennyson Thielman.

Nos ta agradesido pa e dedikashon di tur e partisipantenan na e seshon eksitoso akí. Kolaborashon i un vishon konhunto, ta esencial pa mehorá mobilidat na Boneiru.

Gobièrnu lo sigui traha riba e metanan akí i nos ta apresia kontribushon di tur hende enormemente.



Timmerwinkel Jorge

ta buska

- 2 timmerman

- 2 schilder

Inf. tel. # **+5999 565-0303**

Programanan di Bonaire.tv

TELBO kanal 70

Flamingo TV kanal 23

Djammers 19 sèptèmber 2023

12.00 Herensia:	Walter Coffie (Santana Protestant)
13.00 Aki Boneiru:	Bondoet 2020
14.00 Herensia:	Villa Antonia, Edith Strauss & Juliana Angela
15.00 BAPA:	Ria - Rosemarie Heitkonig
16.00 Aktualidat:	Piskabon Ernest de Lanoy
17.00 Aki Boneiru:	Echo
18.00 Herensia Korsou:	Daphne Kibbelaar
19.00 BAPA:	Wilhelmina van den Broek - BarkuEendracht
20.00 Herensia:	Thelma de Palm
21.00 Aki Boneiru:	Ruta Wayaka 2020
22.20 Herensia Korsou:	Cynthia McLeod
23.30 Puerto Latino:	Luis Zárraga

Tur mèrdia 12'or ta kuminsá un programashon nobo di 4 ora.

E programashon aki ta ritipí pa 24:00.



PLAN FRAKASÁ ÒF DJIS UN SOÑO?

Skritura: Genesis 37:3-36 i 39:2-23

"I SEÑOR tabata ku Jose, asina ku el a bira un hòmbler eksitoso. I e tabata biba den kas di su shon, e egipsio." Genesis 39:2(BS)

Señor a skohe pa José tin un futuro briante. Pa medio di soño (Génesis 37:5-7 i 9) Señor a revelá Su plan na José. José tabata e pret'i wowo di su tata (Génesis 37:3) i pa e motibu akí su rumanan tabata odi'é. Pa kolmo su tata a dun'é un mantel spesial ku a distinguié for di su rumannan.

Su soñonan i e trato preferensial di su tata a redundá den un kadena di prueba pisá. Su rumannan ta traha kòmplot pa mat'é, despues nan ta tir'é den pos (versíkulo 18-24) i bend'é ku ekstraheronan (versíkulo 28, 36). Kasá di su shon ta akus'é di intento di violashon i riba tur eseinan, nan ta ser'é den prizòn inhustamente. Dios Su plan tabata parse di a frakasá. Pero e realidat ta ku Dios tabata preparando José pa e bira un gobernador.

Ki lès nos por saka for di esaki? Ku Dios Su kamindanan no ta nos kamindanan (Isaias 55:8-9). Señor Su obra tin biaha ta difísil pa nos komprondé. Den tur e pruebanan akí Señor tabata ku José; den rechaso, humiliashon, bèrgwensa i doló. I José a keda fiel na Señor. E tabata bandoná pa su famia, ma no bandoná pa Dios. I na e momento oportuno Dios a hals'é i el a bira gobernador! Pues, nos mester keda fiel i konfia Dios hasta ora bida ta gòlpia nos. Señor tabata ku José i E ke ta ku bo tambe awe; keda fiel na Señor.

Rechaso di hende no ta kambia Señor Su plan!

Sharine Brigitha

Produksion PGM

Atentado kontra demokrasia

KRALENDIJK – “Espantoso mester bisa sí tuma nota kiko a pasa den e último simannan den Konseho Insular. Den e reunion di tuma desishon di dia 23 di ougùstùs, sin ku tabatin un reunion di forma opinion, òf a lo ménos un reunion di komishon promé, un seri di proposishon a subi agènda pa modifiká e reglamentu di òrdu di Konseho Insular i komishonnan fiho,” Dr. Willem Cecilia ta skirbi.

Cecilia ta indiká a presentá un resolushon pa ku instrukshon i mandato na e griffier ku ta desvia significantemente for loke ta kustumber na Hulanda i Karibe Hulandes. A entregá un proyekto di ordenansa pa loke ta trata estableimentu di un komishon permanente di prosedimentu ku tambe ta diferensia significantemente di loke ta normal na Hulanda i Karibe Hulandes. Tambe a pone un proyekto di ordenansa pa loke ta trata enkuesta, un proposishon pa aprobá un nota di Konseho Insular pa loke ta trata maneho huntu ku dokumento i for-

mularionan athunto, den kual ta skondí seis desishon ku Konseho Insular mester aprobá inkluyendo e ordenansa pa loke ta trata informashon i toma di desishon di Konseho Insular.

Kódigo di kondukta

Si esaki no tabata sufisiente, Cecilia ta sigui, por a tuma nota ku e último dos simannan ku a pasa un miembro di un partido den oposishon di Konseho Insular riba su mes a determiná ku un diputado no a aktua na un manera íntegro i a lansa un atake formal i personal kontra e diputado, sin ningun prueba tangibel. Sin ningun bèrgwensa el a eksigí tur dokumento pa loke ta trata e desishon ku Gobièrnu a yega na dje pa loke ta trata e kompania ku ta na nòmber di e kasá di e diputado pa kolmo i esaki mester sosodé tambe dentro di un periodo ku el a stipulá.

E miembro sinembargo no ta komprondé ku tin un kódigo di kondukta pa miembronan di Konseho Insular ku ta dikta hopi kla-

kon mester aktua ora ta sopechá ku un miembro di Konseho Insular, diputado, gezaghebber, òf Griffier a violá reglanan di integridat. Ta di spera i warda si e lo aktuá ku mesun fervor pa loke ta trata un transakshon frakasá ku Fundashon Mariadal kaminda un miembro di Konseho Insular ta e protagonista prinsipal.

Sosten finansiero

Sí revisá e dokumentonan relashoná ku e reunion di tuma desishon di Konseho Insular dia 23 di ougùstùs i pa kuminsá na e parti fásil, por konstatá ku Konseho Insular kier fiha un montante di no ménos ku 60 mil dòler den un forma di sosten finansiero fiho pa kada frakshon loke ta eksorbitantemente haltu kompará ku munisipionan similar na Hulanda. Ta notabel ku miembronan di Presidio, ku ta e lidernan di frakshon, kada un lo haña un kompensashon di 195 dòler pa luna, Cecilia ta trese dilanti.

Ta kustumber, di akuerdo ku Cecilia, ku Konse-

ho Insular nunca ta disidí asuntunan finansiero pa su mes, pero semper pa e próksimo konseho ku mester sinta despues di un elekshon. Tambe por opservá ku Konseho Insular por nombra miembronan èkstra ordinario pa loke ta trata e komishonnan fiho, pero ta lubidá di kodifiká e echo ku e miembronan èkstra ordinario akí mester tabata riba lista di e último elekshon. Esaki ta pa e legitimashon di votadónan. Un hende ku tabata riba lista di elekshon pero no a bira miembro di Konseho Insular, fásilmente ta keda identifiká mará na e ideologia di e partido.

Spantoso

Henter e proseso kon el a kana pa pone e tópikonan riba agènda, segun Cecilia, ta generá sierto sospecho i e pregunta ta sí realmente a pidi Kolegio Ehekutivo su opinion manera desensia i lei ta eksigí. Sigur ta ku e ministerio di asuntunan interno i relashon di Reino, a tuma nota di henter e asuntu akí i a deklará ku desishonnan di Kolegio Ehekutivo i di Gezaghebber no por dependé di un akuerdo òf huisio di Konseho Insular i e konseho no por determiná kiko ta interes general òf públiko. Si e totalidat a sigui, e ora ei mester bisa ku e dualismo i e demokrasia lokal efektivamente a keda rementá for di otro. Un situashon realmente espantoso, segun Cecilia.

Sekuestrá

Tumando e sirkunstansianan na kuenta, di akuerdo ku Cecilia, mester bisa ku Kolegio Ehekutivo, e gezaghebber interino i e gezaghebber anterior, no por sali kompletamente liber di e asuntu akí. Ta durante nan periodo a keda sin hasi desishonnan di Kolegio Ehekutivo públiko pa asina Konseho Insular por a hasi su trabou manera debe ser. Banda di esei, ora ku gezaghebber ku ta keda

konsiderá komo protektor di nos demokrasia lokal i integridat gubernamental, direpente a tuma retiru i yegada di algun miembro di Konseho Insular nobo i nobato despues di elekshon, a krea e posibilidat pa un atake frontal kontra nos demokrasia lokal.

Cecilia: “Mester pone Konseho Insular bou di kontròl atrobe. Pa kuminsá mester eliminá tur e komishonnan fiho i bin ku un komishon sentral pa mehorá e transparensia di desishon i e efikasía. E poder pa pone tópikonan riba agènda, mester keda kitá for di Presidio i duna e komishon sentral e tarea. Aktualmente e presidio tin Konseho Insular sekuestrá i esaki no mester keda permití. Den Presidio ta sinta solamente lidernan di frakshon i ku dos miembro di oposishon i dos miembro di koalishon, esaki no ta reflehá demokrasia real. Mas pronto ku ta posibel mester nombra un Griffier permanente ku tin e abilidadat pa trese trankilidadat i e outoridat nesesario. Mester nombra mas pronto posibel un Gezaghebber nobo ku huntu ku Griffier trese òrdu atrobe den Konseho Insular.” Miembronan di Konseho Insular mester konsentrá nan mes riba e tarea di krea kuadro, lei i regla i representá e pueblo i nan mester realisá nan mes ku nan no ta parlamentario ku empleo fultaim, mará na un salario korespondiente. Por último Kolegio Ehekutivo mester kompilá un programa di gobernashon i entregá esaki na Konseho Insular pa debate i aprobashon. Si no tin un programa di gobernashon aprobá, anto lo no dura muchu ku atrobe tin un atentado kontra di nos demokrasia.

Konsiderando tur loke a pasa, ta doloroso pa konstatá ku te ainda nos ta inkapas pa kuida i mantené nos demokrasia lokal, Cecilia ta trese dilanti.

Djasabra 23 di sèptèmber

Promé aktividat Gang di Arte

KRALENDIJK-- Gang di Arte dia 23 di sèptèmber ta bai tin apertura ku e asina yama “Gang di Arte: Gang-up! Launch Event”. Esaki ta e promé aktividat di vários ku tin plania pa e promé aña di Gang di Arte Bonaire. Gang di Arte Bonaire ta uni ku diferente instansia ku ta ofresé desaroyo artístiko na hóben nan pa trese un show ku di variedat di talento. Lo bai tin presentashon di School of Performing Arts Bonaire, Casa de Musica Bonaire, ACE Tweens Club i mas. Banda di esaki e ganadónan di Gang di Arte Aruba lo ta di bishita na Boneiru

pa hasi un presentashon riba e anochi.

Ku e evento, Gang di Arte ke demostrá ku su vishon di union den arte ta algu faktibel i realisabel basta tur hende kere den dje. P’esei a skohe e nòmber “Gang-up” pa e evento aki. E palabra “Gang” i “Gang-up” hopi bía ta mara na kosnan negativo, pero un di e definishon nan den dikshonario Merriam-Webster ta spesifiká ku e ta nifiká “Uni pa un meta”. E meta ta pa trese union den mundu di arte i Gang di Arte lo bai demostrá esaki tambe e anochi aki.

Banda di e presentashon ku e hóben nan

lo prepará individualmente, nan tin komo tarea pa pasa un dia kompletu huntu pa krea un show pa presentá.

Gang di Arte Bonaire ta hasi un yamada na pueblo di Boneiru pa duna hóben nan sosten i demostrá solidaridat den desaroyo di arte i kultura na Boneiru. Gang di Arte Bonaire: Gang-up! Launch event lo tuma lugá djasabra 23 di Sèptèmber di 7’or pa 9’or di anochi na Tera Cora Ranch. Karchinan ta disponibel na Lisa Convenience Store i Tera Cora Ranch. Tambe por yama òf app +599 790-0155 pa kumpra karchi.

DUSHI TEMPU DI TELEVISION

Ku e seri aki mi ke hiba boso den tempu. Mi ke rekordá huntu ku esnan ku a lanta den añanan sesenta i setenta television di e tempu aya. Television “pretu ku blanku”. Tambe pa laga e generashon despues sera konosí ku loke tabata dibertishon pa mucha, hóben i adultonan den dékadanan sesenta i setenta riba nos isla. TeleCuraçao a drenta operashon dia 31 di yüli 1960.

COMBAT

Combat tabata un seri di television ku a kapta hopi atenshon na TeleCuracao tempu ku el a pasa. Esaki tabata den dékada ses-

enta, no masha tempu despues ku e planta di television aki a bai en aire.

E seri aki tabata bai tokante soldánan

merikano ku mester a kombatí kontra e alemanan na Fransia durante Segundo Guerra Mundial. E seri a keda produsí desde 1962 te 1967.

E promé episodio di e seri tabata titulá ‘A Day in June’. Ya for di e promé episodio tabata opvio ku e seri aki lo a bira eksitoso. Pero tòg a dura un tiki promé ku el a pega.

Tabata den tempu ku pelíkulanan di Segundo Guerra Mundial tabata sumamente popular riba pantaya grandi, manera ‘The Longest Day’, ‘Guns of Navarone’, ‘Midway’ i diferente otro mas. Den e promé episodio-

nan a protagonisá Rick Jason komo e segundo teniente Gil Hanley, lider di peloton, huntu ku Vic Morrow komo sergeant Chip Saunders. Kreador di e seri tabata Robert Pirish, kende den su promá karera den sine a keda definí mas pa pelíkulanan kómiko. Despues ku el a presta servisio



militar durante Segundo Guerra Mundial su focus a kambia i el a kuminsá traha pelíkulanan di guerra, konsentrando rònt di soldánan di rango abou. Den Combat esaki ta bini bon dilanti. E seri Combat tabata di ABC, ku a mantené esaki den aire pa 5 aña.



MONCHI & TONCHI

Awor mi ta komprondé ak-titut di Klarki den Konseho Insular.

Awèl si. E ke 'deel de lakens uit', pero ta lakennan ku mes-ter a bai Mariadal.



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
aviso: avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Partner na Aruba
Awe Mainta
Partner na Kòrsou
Extra
Partner na Boneiru
Live99

Redakshon
Papi Antoin
Nathaly
Evertsz-Ipcedencia
Velli Gijsbertha
Edson Pietersz
Ibi Piar (deporte)

Layout
Maya Beaumont

Konsehero:
Bòl Antoin
786-6818
Aviso
avisobon@gmail.com

Trahando ku alma i kurason pa habri pronto

Building Depot pronto ta habri na Boneiru

KRALENDIJK— Falta poko pa Building Depot Bonaire habri su portanan. Trabounan ta kanando bon. “E pregunta ki dia e ta habri porfin, ta resoná den tur skina, esei t’e entusiasmo ku Boneiru tin pa apertura di Building Depot”, Roderick Lucia kende ta manehá e filial na Kòrsou a bisa.

4,000 Meter kuadrá

Building Depot Boneiru tin un mèneder di tienda ku ta Wesley Duijzer. E lo

okupá su mes ku maneho. Pa loke ta trahadónan, gran parti ta lokal. Aktualmente nan ta trahando pa yena e edifisio di 4,000 meter kuadrá ku diferente produkto. “Boneriano nan ta masha bon hende. Esei ta promé kos ku mi ta deseá pa reflehá den Building Depot; un bon vibrashon, un personal amabel, produktonan di kalidat haltu i naturalmente preisnan ku ta kompetí den merkado,” Lucia ta sigui bisa.

I mi tin pleno konfiansa ku nos klientenan na Boneiru lo sa di dun’e e mesun aseptashon. Nos tim na Boneiru ta gran parti lokal; nan a bin ta traha duru pa yena e edifisio di aproksimadamente 4,000 meter kuadrá

Artíkulonan variá

Building Depot lo ofresé tur e markanan ku ya ta konosí na Kòrsou, i un surtido variá di merkansia despegá den e.o departamento di kushina, sala i kamber. Tambe un amplio variedat den e departamento ‘outdoor living’ i lo asesorá klientenan ku benta por mayor di material pa konstrukshon.

“Nos ke sigui krese na Boneiru, Building Depot tei pa keda i poko poko ke sa kiko mas e kliente boneriano ta deseá.” Meskos ku Kòrsou, lo tin tambe

e folder disponibel ku tur e diferente kampaña i ofertanan.

No tin un fecha definitivo pa e apertura ofisial. Un i tur por sigui nos riba retnan sosial unda por sigui tur desaroyo i tambe fecha

di gran apertura. “Building Depot ta kontentu di bira siudadano korporativo di Boneiru i ta sigur di por kontribuí grandemente na ekonomia di e isla,” e propietario a finalisá bisando.



Konta bo ko’, a kai den bon tera

KRALENDIJK— Djasabra anochi un públiko grandi a bin Plaza Resort pa skucha storia kòrtiku. Ku e kantidat di hende ku a presensia, e aplouso risibí i e harimentu Akademia Papiamentu por konkluí ku e públiko a gusta loke nan a tende i por bisa ku e festival tabata un éksito rotudo.

Mas ku shen hende ta-

bata presente, e sala di Plaza Resort tabata yen yen. Sinku persona a skirbi un òf mas storia. Na total tabata tin 8 storia. No ta tur skirbidó a konta e storia ku nan a skirbi. Sea pa motibu di ta afó di e isla òf pasobra a preferá laga otro hende konta pa nan.

Akademia Papiamentu a kontratá Segni Berna-

dina di ACE Foundation pa organisá un kurso pa siña skirbi storia kua a kulminá den un festival unda a konta e storianan skirbí na públiko.

E meta di e aktividat tabata pa krea mas skirbidó na papiamentu. E úniko rekisito tabata ku e storia mester ta basá riba dicho i proverbio.

E skirbidónan tabata: Rocio Chavez Mezza, Shahaira Valerio, Beatrix Boekhoudt, Xiomara Blanca i Paulina Rodriguez.


E festival akí lo bira un anual. Pa 2024 lo tene e promé tayer pa siña skirbi storia kòrtiku den e promé siman di mart.

Dos siman promé lo kuminsá hasi promoshon. “LIKE” e página di “Facebook” di Fundashon Akademia Papiamentu i e página di “Youtube” pa bo keda informá di e aktividatnan.



Esfuerso pa inspirá, motivá i guia estudiante

ROA CN ke menshoná kon eksitante tabata pa tin un sala yen di hende hasiendo e esfuerso pa inspirá, motivá i guia studentenan lokal. ROA ke gradisí tur partisipante, partner, treinernan di Ki Connect i e studentenan di MBO, ku a asistí durante henter dia ku nan presensia i kolaborashon.





Akohida di mucha kasi grátis retrasá te 2027

KRALENDIJK – Sí ta keda na Ministernan van Gennip di Asuntunan Sosial i Oportunitat di Trabou i Schouten di entre otro Maneho di Pobresa, ta suspendé implementashon di akohida kasi grátis na Karibe Hulandes definitivamente ku dos aña. Esaki a sali na kla for di kontesta por eskrito na miembronan di Tweede Kamer, Sahla i Wuite, ámbos di D66.

E proposishon di lei pa islanan BES pa baha e kontribushon di mayor pa akohida di mucha na 4 porshento, ta kla pa tratamentu dor di Parlamento. E presupuesto nesario tambe ya ta reservá. Tòg Gabinete ta skohe pa posponé akohida di mucha kasi grátis te 2027.

E ministernan ke pa Karibe Hulandes subi hun-

tu ku Hulanda. Otro ku na Karibe Hulandes, e regulashon pa e parti Europeo Hulandes ainda no ta kla.

Van Gennip i Schouten ta mantené nan mes riba e prinsipio ‘comply or explain’. Regulashon Hulandes ta konta tambe pa e islanan, a ménos ku tin bon motibunanan pa hasi esaki, pero e ora ei ta eksigí splikashon.

A introdusí e prinsipio di ‘comply or explain’ pa no laga e retraso di e islanan BES sigui bai mas atras, pero awor ta pa promé biá ta sosodé adaptashon ku ta na desbentaha di mayornan di Boneiru, Sint Eustatius i Saba. E bala awor ta sintá serka Tweede Kamer ku ainda por forsa e gabinete pa kumpli ku loke el a primintí anteriormente.

BACK IN STOCK

OPTENIBEL NA

- OFISINA DI EXTRA
- VAN DEN TWEEL SUPERMARKET
- DELMAR

FUHIKUBO
 FUNDASHON HISTÓRIKO
 KULTURAL BONERIANO
 Yabi di pasado, porta pa futuro

Proyekto reforestashon Klein Bonaire

Si bo sa di Elsmarie Beukenboom, bo sa ku semper e ta pidi yudansa di brasanan fuerte. Pues su deseo a bira realidat. Danki na e militarnan Hulandes pa nan yudansa i danki na Elsmarie pa mantené e proyekto di Sabal Palm na Klein Bonaire fuerte.



FUNDASHON ALZHEIMER BONAIRE



Marshe di Demensia!

Tòpiko: “Informashonnan riba e malesa di demensia”.

Fundashon Alzheimer Bonaire /ZW Groep ta invitabo na un “Marshe di Demensia” Lo bai tin diferente stènt kaminda por haña informashon tokante malesa di demensia i kiko tin pa ofresé pa e kuido

Kòrda, mas bon informá bo ta, mihó guia bo por duna e persona ku malesa di Alzheimer.

Fecha: Djasabra 23 Sèptèmber 2023

Orario: 14:00 or – 18:00 or

Lugár: Marriot Hotel

Entrada: Grátis. (lo tin un buzòn di Fundashon Alzheimer pa donashon)

Henter pueblo ta keda invitá

No pèrdie, demensia no ta diskrimina!

Nunka ta lat/nunka ta trempan



NOS TA WARDA BOSO!!!!



PA MAS INFORMASHON BISHITÁ NOS WEBSITE: www.alzheimer-bonaire.com

Pa donashon kuenta di FAB ta na Banco di Caribe nr. 308.437.01

Fundashon Mariadal ta patrosiná e poster aki.

FUNDASHON MARIADAL



DI BINTIKUATER DJADUMINGU SIKLO A

Promé Lektura : Sirag 27, 30-28
 Salmo : Salmo 103, 5. 9-12
 Di dos Lektura : Romanonan 14, 7-9
 Evangelio : Mateo 18, 21-35

Nos tur riba kaminda di os bida algun biaha a yega di fendé un hende. Nos tur a ser fendé dor di un hende riba os kaminda diario. Ta parse u esaki ta bai na keda anun- á den e kondishon humano. los hende bieu hopi biaha ta ombibí kómodamente ku e ende bieu.

E tema di e Evangelio akí i di e pordon bibá for di miz- rikòrdia. Nos komo perso- a por pordoná pa hopi moti-

bu: pa resignashon, pa evitá mayor konfrontamentu, pa preshon di otro personan- an... E pordon na kua Hesus ta invitá nos ta e pordon for di mizerikòrdia.

Pedro a komprondé ku tin ku pordoná esun ku ta ofendé bo, ku no tin ku warda ren- kor ni pensa sikiera den veng'è, sino lubidá e ofensa i bolbe trat'è komo amigu. Kere ku ta generoso ora di proponé Señor e kantidat di

biaha ku tin ku pordoná e re- sidivista, e pre- gunta si shete bi- aha ta sufisiente. Pa e rabinonan di e époka ei, tres tabata e number di biahanan ku tabatin ku pordoná, e di kuater biaha ku e mesun persona ofendé bo, bo no tabatin e de- ber di pordon'è.

Ora Pedro ta papia di shete biaha e ta kohiendo e num- ber di perfekshon spiritual. Hesus ta kontest'è hasta set- enta biaha shete; loke e ke men ta ku tin ku pordoná sem- per ku e ofensor ta den dispo- sishon di ser pordoná.

Den e palabranan di Señor tin un rason bastante eksplis- to: no tin ku keda kòrda e bia- hanan ku nos a pordoná, si Dios ta kòrda e biahanan ku El a pordoná nos, nos lo ta pèrdí. Tin ku lubidá e biahanan ku nan a ofendé nos i e biaha- nan ku nos a pordoná.

Ante e pordon personanan ta hasié di distinto forma:

Tin algun hende ku ta bisa: mi ta pordoná pero no ta lu- bidá. Esaki lógikamente no ta pordon humano i muchu ménos kristian. Rekuerdo ta fruta di pasado, ofensa tambe i e doló ku ofensa ta produsí bo, bo ta rebib'è kada biaha di nobo miéntras bo ta kòrd'è. Tantu biaha e Palabra di Dios ta pa- pia nos di rekordá e kosnan grandi ku Dios a hasi pa nos, pero nunca E ta papia ku bo di kòrda e ofensa ni e doló ku esaki ta produsí.

Otronan ta afirmá: ami ta pordoná bo, pero lo mi no pa- pia ku bo mas... En realidat e no ta pordon, e ta un bèrgwen- sa ku ta apartá e kurason i e palabra na esun ku a ofendé bo.

Algun hende lo bisa mi ku esaki di pordon lo por a bal den e époka ei, pero ku den esaki ku tantu i tantu violensia i ter- orismo, ku tantu asesinato i in- hustisia lo bal mas bolbe na wowo pa wowo i djente pa djente...

Hesus ta animá nos na haña e kustumber di pordon tal i manera Dios ta hasi ku nos. Señor a bini pa duna kurason na e pordon humano, for di ein-



an, for di e kurason ta kamin- da nos mester komprondé e parabel akí ku nos ta skucha awe.

· Bo ta pordoná esnan ku a ofendé bo ku mizerikòrdia?

Sigui lesa pag. 11

“Kual lo mester ser e reakshon di un kristian dilanti tur loke a pronostiká di e dia di e huisio final?”

Kontesta: Den dékada di 1950 mundu tabatin miedu di rant di un apokalípsis nuklear. Na prinsipio di siglo, tabatin un spekulashon mundial riba efekto 2000 i e posibel fin di mundu sivilisá komo konsekuensia di esaki. Un konmoshon di e kultura pop a surgi na final di e kalènder Maya den 2012. Ta tabatin diskushonnan den sirkulonan kristian to- kante aparishon di lunanan di sanger, supuestamente tambe komo un señal di eventonan katastrófico. Kua e ora ei ta e kontestanan di kristiannan na e pronóstikonan di e dia di huisio final i na e notisianan relashoná?

For di e perspektiva kristian, nos promé reakshon lo mester ta respirá profundamente i relahá su mes. Den algun mo- mento, mundu ta bai kaba (2 Pedro 3:10). Kristu lo re- gresá (Apokalípsis 19:11-13) den e momento den ku E ta prepará pa hasié (1 Korintionan 15:51-52). I ainda asina, awor mes, kada persona riba tera ta un frakshon di sekònde di un dia di e huisio final personal (Salmo 39:5). Atakenan di kurason, guera, aksidentenan i sobra, por pone nos kara a kara ku nos Kreador mas rápidamente ku un katástrofe global (Hakobo 4:13-15). Ya sea ku fin di tempunan ta na porta òf masha leu, nos ta yamá pa ta prepará (2 Korintio- nan 6:2), i drenta den pániko.

Gran mayoria di e pronóstikonan di e dia di e huisio final ta puru spekulashon, mito òf histeria sin fundamentu. Ni siki- era e Mayanan tabata pensa ku nan siklo di kalènder lo pronostiká fin di mundu. Ekspertonan den kòmpututer no tabata esnan ku a impulsá e pániko di aña 2000. I práktika- mente ningun teólogo kristian ta pensa ku e fenómeno di e luna di sanger ta un indikadó importante di kualkier evento en partikular. Meskos na otro modanan i lokura, diskush- onnan ta impulsá pa un pover rasonamentu i dor di echonan ainda pió.

Un kristian nasí di nobo por ta sigur di su salbashon i konfia ku Dios tambe ku su enkargá di sobra (Mateo 6:25-34). Ta bisa nos ku ta posibel lesa e señalnan di tempunan (Mateo 16:3) pero tambe ku ta imposibel pa kualkier persona sa ku seguridat ku ora e realmente e fin di tempunan ta sosodé (Mateo 24:36). Na di lugá nos di sentrá nos den fechanan, pleitu i rumornan, nos lo mester ta na konsentrá nos den hiba e evangelio mas tantu kantidat di personanan posibel. E barku ta hundiendo, pero promé ku preokupá nos pa kon i e ora fin lo yega, nos mester hinka mas persona den botonan i chalekonan di salbida!

Sin orashon lo no tin Sínodo Karta di Kardinal Mario Grech na Obispanan di Mundu Vatikano, 15 sèptèmber 2023



Mario Grech

Den karta dirigí na obispanan i di esnan oriental di rito henter mundu, **kardi- nal Mario Grech**, Sekretario General di e Sekretaria Gen- eral di Sínodo, ta invitá fielnan di henter mundu pa parti- sipá mediante e orashon pa e XVI Asamblea General Or- dinario di Sínodo di Obispanan ku ta inauguré den Vatikano dia 4 di òktober.

Ku e karta akí, Sekretario General ke rekordá ku e Asamblea sinodal ta dilanti henter un akontesimentu spir- itual, di orashon i di skucha- mentu di Spiritu Santu, ber- dadero protagonista di e evento. Pa fasilitá partisipashon i ta solisitá e atheshon di orashon di e miembronan di e asamblea di e komunidatnan lokal, e Sekretaria General di Sínodo a prepará un “Bend-

ishon Solèm” ku lo resitá, en partikular, na final di e Misanan dominikal huntu ku e orashon- nan di interseshon. Tin athunto e original den latin (e traduks- honnan ta solo dokumentonan di trabou pa fasilitá e trabou di Iglesiasnan Lokal).

Respetando rikesa di e trad- ishon litúrgiko di Iglesiasnan Ori- ental Katóliko *sui iuris*, e kar- ta a ser mandá tambe na esnan responsabel di dichonan Iglesi- anan ku e petishon di imple- mentá un bendishon i interses- honnan similar den e Di- visa Liturgianan.

E yamamentu di kardinal Grech ta forma parti di un serie di inisiativanan enfoká pa reko- rdá e karakter eminentemente spiritual di e asamblea sinodal i pa promové partisipashon di henter e Pueblo di Dios atraves di orashon.

NOTA INTERNASHONAL

Merka i Iran ta interkambiá prezu

MERKA – Manera anunsia, Estados Unidos i Iran a interkambiá algun prezu. Sinku hende ku tantu e nashonalidat Merikano komo Iraní ku ta será na Iran, a sali desde Teheran pa Qatar. For di ei, nan ta sigui pa Estados Unidos. Nan lo ta den bon kondishon di salú.

Estados Unidos a laga sinku Iraní liber, di kua dos a biaha pa Qatar. Tres di nan no ke regresá Iran. Qatar a intermediá den e kuestion.

E kondishon di mas

importante di Iran tabata ku Estados Unidos mester a duna Iran un kompensashon di fris na balor di 6 miar dòler. E plaka ta pegá na Sur Korea, ku ta tuma hopi zeta for di Iran. E interkambio di prezu por a sigui despues ku a traspasá e plaka for di Seol pa kuenta den e estado di Qatar, Doba.

Pa lunanan a negoshá tokante e dil na Qatar. Delegashon di ámbos pais tabata keda den hotèlnan aparte riba distansia kòrtiku for di otro, kaminda e intermedi-

adónan tabata negoshá ku nan di un pa e otro.

Ounke ku e prezunan ta liber, nada ta kambia den e relashon ku Iran, un fuente anónimo di Gobièrnu Merikano a indiká na e ofisina di prensa Reuters. “Sí nos mira posibilidatnan, nos lo aktua, pero pa e momentu akí mi no tin nada pa agregá.”

Iran mester invertí e plaka ku a bini liber na ayudo humanitario i no por gasté na produktonan ku ta riba lista di sanshon Merikano.



Migrantenan ta hui na kantidat grandi for di sentro di akohida

SICILIÈ – Segun medida Italiano, na Siciliè un

shen migrante asina a hui for di un sentro di akohida



super yen. Den e sentro na Porto Empedocle, intenshoná komo sitio di akumulashon temporal for di kua ta hiba migrantenan na otro sitionan na Italia, tin mîles di hende.

Siman pasá a bini mas òf ménos 10 mil migrante aserka riba e isla Italiano Lampedusa, kasi 200 kilometer sùitwèst di Siciliè. Ei nan tambe e fasilidatnan di akohida ta sobre okupá. Ta hiba migrantenan for di

Lampedusa na un sitio di akohida temporal na Siciliè, pero esaki awor tambe ta yen.

Polis ta vigilá e akohida na Siciliè. Agentenan awor ta en buska di emigrantenan ku a hui.

E alkalde di Porto Empedocle via di e media Italiano Rai, ta papia tokante e sirkunstansianan, ku e ta yama skandaloso. “Nan no a hui, nan ta en buska di kuminda i bebida. E ta un

situashon eksploisivo. Esaki no por kontinuá asina.” E ta anhelá ayudo for di Roma.

Gobièrnu di Promé Minister Meloni djaluna ke a introdusí algun medida ku mester hasi e pais ménos atraktivo. Asina migrantenan sin chèn, mester por keda será te 18 luna promé ku saka nan for di e pais. Awor esaki ta ainda tres luna. Tambe mester bini mas sitio pa prizòn di migrante.

Den área di temblor na Maroko

Miedu pa abuso i sekuestro di mucha muhé

MAROKO – Na Maroko tin preokupashon tokante e suerte di muchanan i muhénan den e área di temblor. Riba imágennan ku ta riba media sosial, por mira ku ta molestiá nan. Asina ta pidi nan pa kasa ku un hòmer straño den un otro region pa kuminsá ku un bida nobo. Gobièrnu Marokano a lansa un number di emergensia i ta bini ku medida pa protehá muchanan huérfano den e área di temblor.

“Bo ta un bunita mucha muhé, bo ke bai ku mi Casablanca. Mi lo kasa ku bo.” Esaki ta un di e filmashonnan ku a okashoná hopi

emoshon riba Instagram. Un hòmer di e manera akí ta trata di saka un mucha muhé for di El Haouz pa bai kuné. Entretantu no por haña e filmashon mas ku a publiká riba e página di Instagram. Banda di esei, segun media Marokano, tabatin diferente mensahe riba media sosial den kua ta pidi hòmbènan pa biaha pa e área di temblor pa protehá muchanan muhé dor di kasa ku nan. E organisashon di derecho di hende muhé, Kif Mama Kif Baba, den un deklarashon ta skirbi: “Nan ta diabel, ku ta usa e vulnerabilidat di muchanan ku a keda afektá pa un temblor

pa nan propio gana seksual.” Tambe e plataforma tin miedu pa sekuestro i violashon di mucha. E ta pidi pa Gobièrnu tuma akshon.

Esaki Gobièrnu a hasi djaweps ku lansamentu di un number di emergensia grátis. Mas aleu e organisashon di abogado ta ofresé sosten grátis na víktimanan. Tambe Rei Mohammed VI a anunsia ku muchanan huérfano den e área por kai direktamente bou di protekshon di e nashon. Kiko esaki presisamente pa e muchanan huérfano na El Haouz, no ta kla, pero e anunsio ta referí na un artíkulo den lei den kua

ta papia di protekshon moral ayudo material.

E komishon nashonal di protekshon di kontrabanda di hende, den un deklarashon ta bisa ku nan

e verifiká diferente imágen. Esaki a kondusí ku a detené un hende ku ke a biaha pa e área di temblor pa abusá di mucha, asina Polis Marokano ta informá.



STATIA/SABA/ST. MAARTEN

Paro temporal produkshon di awa

THE BOTTOM – Debí na sirkunstansianan di wer relashoná ku pasada di orkan Lee, a para e produkshon di awa di reverse osmosis (RO) tamportalmente.

Komo práktika regular ku pasado di un tormenta, ta saka e pipa ku ta chupa awa na Fort Bay Harbor. Pasada di tormenta ta kousa hopi daño na kosta loke ta pone ku no por mantené e sistema den operashon, pa prevení daño na e sistema

di produkshon di awa.

Ku e tankinan na Fort Bay i The Bottom bashí, aktualmente no ta posibel pa proveé awa na e komunidad. Manera e situashon normalisá, lo resumí e produkshon di awa i na momentu ku e tankinan ta yen, trùknan di awa por proveé awa atrobe.

Entidat Públiko Saba ta tene e situashon na bista i lo informá públiko momentu ku ta kla pa entregá awa

bèk. Ta pidi residentenan pa konservá awa.

Entidat Públiko Saba ta planiá un proyekto pa konstruí un sistema di chupa awa mas resistente kontra mal tempu pa prevení situashonnan asina sosodé den futuro.

Tin fondo disponibel for di e ministerio di infrastruktura i maneho di awa, LenW pa e proyekto akí ku ta kuminsá promé ku fin di e aña akí.



Apertura St. Maarten Diagnostic Center

PHILIPSBURG – Djabièrnè 15 di sèptèmber St. Maarten Diagnostic Center (SMDC) ofisialmente a habri su porta pa públiko. Dòkternan Michael i Danny Dennaoui a trese e iniciativa serka Ministerio di VSA komo un iniciativa ku por mehorá aksesu na kalidat di kuido di salú.

Minister di Salubridat Públiko, Desaroyo Sosial i Labor, Omar Ottley a aprobá e proyekto i ta spera ku esaki lo aliviá e wardamentu largu na St.

Maarten Medical Center dor di atendé kasonan ku no ta di emergensia durante oranan iregular.

“Nos profeshonalnan médiko eksperensia ta akí pa sirbí e siudadano durante oranan di anochi i wikènt, dunando kalidat di kuido momentu ku nan tin mester. Nos tei pa kubri tur tipo di malesa, herida, òf kuido general. E echo ku nos por a asistí asina tantu pashènt e dianan ku a pasa, ta demostrá ku e proyekto akí tabata nesario,” Dòkter Danny Dennaoui a bisa.



ARUBA

Chauffeur burachi a kibra porta di cura

ORANJESTAD -- Dia-bierna anochi laat polis di Noord y tambe di trafico mester a bay na e ultimo cas ariba e caminda cu ta bay pa Kapel di Alto Vista.



E motibo tawata cu e Ford Explorer color blanco a basha un porta grandi di un cas abou.

Na prome instante a pensa cu lo tin hende herida, pero esaki no tawata e caso. Na yegada di polis di Noord nan ta topa cu un porta grandi benta abou y un auto Ford Explorer para no mucho leu di e porta. Polisnan mesora a constata cu e chauffeur ta bou di influencia.

Ta asina cu a chauffeur bastante bebi lo tawata direccion di e Kapel, pero pa un of otro motibo e bira na su mas robes y ta dreña un

caminda di tera. E caminda aki prome cu e yega e cas tawata tin un cadena pa evita auto dreña; pero esaki no a wanta e Ford Explorer cu a ranca esaki y sigui bay

bashando un porta grandi abou.

Na yegada di polis di trafico el a pone e chauffeur supla, mientras transportwagen ya tawata yegando.

Su yegada el a wordo hiba na e transportwagen unda cu despues nan sali direccion warda di Shaba cu ne. Takelwagen lo mester a bin busca e auto.



Tres detencion y arma di candela haya den un auto

ORANJESTAD -- Disabra marduga algo pasa di l'or, varios unidad policial por a wordo mira cu zwaailicht cendi altura di e pompstation na final di

caya. Ta asina cu durante un control polisnan a mira un grupo conoci pa nan, y a dicidi cu lo bay tene un control.

E grupo aki segun nos

a compronde na e sitio lo tawata haci of a causa problema un rato prome ey mes na e luga di gasolin. Polisnan a blokea e Nissan Fuga momento cu e la subi

caminda y asina unidadnan di K9, Santa Cruz y Playa a bay over na baha tur esnan den e auto.

Durante e ristamento den e auto a bin haya un arma di candela y algunos mas cu por a wordo mira ariba e dak di e auto.

Transportwagen a presenta y a bay cu un, mientras e otro dos a wordo hiba den diferente autonan di polis pa warda. Pues tur a wordo separa di otro. A pidi pa takelwagen y tambe pa departamento tecnico cu lo mester haci su parti.



Dama y menor di edad herida den accidente na Moko

ORANJESTAD -- Dia-domingo merdia den careda di l'or polis y ambulance a bay cu urgencia altura di Moko Market, pa un accidente serio di trafico. Na yegada polis a laga cera ambos banda di caminda, debi cu e auto tawata ariba caminda y no por move. Tawata trata di un Kia Optima y un Chevrolet Aveo.

Locual a sosode ta cu e Aveo tawata na e market y lo a reverse pero no a tene cuenta cu trafico. E Kia na su turno a trata di evita e

boksmento pero envano. Esnan herida tawata den e Kia, tawata un dama y menor di edad.

Na e sitio a yega e ambulance y un Rapidresponder di Imsan, cu ta esun cu a bay atende cu e menor. Por a mira cu tanto e dama y e mucha a bay den ambulance unda cu Paramediconan a atende cu nan. Mientrastanto polis di trafico a yega y mesora a bay atende cu chauffeur di e Aveo.

A bay over na test e cu Alco-Sensor y manera nan

a sospecha e la surpasa e limite stipula. Eynan mes

e la wordo deteni y a pidi transportwagen pa hib'e

warda di polis, unda cu un Subfiscal lo atende cune.



HULANDA

Yùfrou ku den sekreto a bai ku alumnonan Efteling ta bringa su retiru

AMSTERDAM – Un yùfrou di un skol básiko na Amsterdam kende riba su mes a bai Efteling ku su alumnonan i dor di esei a haña su retiru, ta bai

den apelashon. Djabièrnè Korte na Amsterdam a bai di akuerdo ku e muhé su retiru ta hustu. E no ta di akuerdo ku esaki.

“E tabata un trep,” su

abogado Diederik van Tellingén, a bisa Omroep Brabant. “Su intenshonnan tabata bon. Lòs di esei, tin tambe algun mentira den kon a trese e storia awor di-

lanti.”

Segun e abogado, e yùfrou a konsultá sí ku e direktor tokante e trep. E direktor a haña dos trep, na Space Expo i Efteling, un bon idea. E direktor solamente tabatin un preferensia pa Space Expo, pasobra Efteling tabata muchu karu.

P’esei e yùfrou di Professor Dumontschool a disidí pe mes regla a trep pa Efteling i kambia esaki. Den un boletin na koleganen el a skirbi seguidamente kon dushi e trep na Space Expo tabata. Esei e no mester a hasi, segun e abogado. Pero el a pidi su despensa pa esaki.

E alumnonan di ense-

ñansa spesial a bai Efteling ku dos bùs. Mayornan no tabata sa unda nan yunan tabata i huntu ku e yùfrou un guia tambe a bai. E mentira tokante e trep a sali na kla ta na momentu numa ku a drenta un but pa kore duru desde Noord-Brabant pa Amsterdam. E yùfrou seguidamente a duna e seshon di rekurso humano relato di e trep, pa despues retir’é.

E muhé ke bai Korte di Apelashon pa pone e mentiranen stret.

Su bon intenshonnan awor ta disparsé kompletamente, segun van Tellingén. I esei ta kai e yùfrou hopi duru.



A kuminsá tèst bakuna grip di para

OVERIJSEL – Na dos kunuku na Overijssel i Flevoland, pa promé biá a kuminsá bakuná puitu kontra grip di para. Ta trata di un promé tèst di fèlt ku un total di 1800 puitu, riba enkargo di e ministerio di LNV.

E vírus di grip di para ta bini dilanti serka para salbahe rònt mundu. Esaki ta nifiká ku bestia di pluma doméstiko konstantemente ta kore e rísiko riba kontagio. Sí un galiña haña e vírus, ta mata tur galiña den e besindario di e empresa, ku komo konseku-

ensia daño grandi pa e kumukeronan enbolbí.

Na mart e ministerio a informá ku durante un tèst di bakuna ku galiña den un laboratorio, dos di e kuater bakunan di tèst tabata eksitoso. Ku e dos bakunan akí awor ta ehekutá e tèst den fèlt. Ta mira sí e bakunan ta efektivamente den práktika. E tèst ta dura te fin di 2025 i ta spera e promé resultadonan mitar di otro aña.

Wageningen University & Research (WUR), Royal GD (Gezondheidsdienst voor Dieren) i Faculteit Di-

ergeneeskunde van de Universiteit Utrecht, ta hasi e investigashon.

Despues di e promé bakuna, un parti di e puitunan despues di tres luna ta haña un di dos prek. For di investigashon di sanger, mester saka afó sí e galiñanan por konstruí imunidat kontra di e vírus. Tambe ta hiba nan algun biá laboratorio pa kontagiá ku e vírus di grip di para. Ku e resultadonan di e investigashon por kalkulá kiko ta e efekto di e bakuna i sí e bakuna ta traha tambe kontra plamamentu di e vírus.



Kandela den apartamentu ta sòru pa hopi huma

ALKMAAR – Den un kandela den un kompleho di apartamentu na Muiderwaard den Alkmaar, djadumingu mainta a sòru pa hopi desaroyo di huma.

Brantwer a bini ku mas trùk di paga kandela na e sitio. E rísiko una bes tabata grandi i tabatin mester di trapi pa logra paga e kandela.

E orígen di e kandela ainda no ta konosí, posiblemente a kandela a kuminsá den un kashi di meter di e

kompleho, media partner Alkmaar Centraal ta informá. Dunadónan di kuido a tira bista riba e habitante di e apartamentu, pasobra posiblemente el a hala huma. Su apartamentu ta keda riba e di kuater piso. Tur e bisiñanan a warda abou riba e trabounan di paga kandela.

Ainda ta investigando e orígen di e kandela. Sí e kandela realmente a kuminsá den e kashi di meter, por pensa riba un korto sirkuito.



Entre desèmber i aprel

WestJet ta oumentá vuelo entre Canada i Kòrsou

WILLEMSTAD – Ofisina di Turismo di Kòrsou (CTB) a publiká resientemente skema di wenter di WestJet pa e periodo di 2023/2024. Minister Ruisandro Cijntje di Ministerio pa Desaroyo Ekonómiko ta kontentu ku

e notisia. Esaki ta nifiká un omento den kantidat di buelo direkto semanal pa Kòrsou, loke ta ofresé oportunitat di kresementu pa ekonomia i mas bida pa sektor di turismo.

Konforme CTB, entrante 18 di desèmber 2023

te ku 1 di aprel 2024 buelonan entre Toronto i Kòrsou lo oumentá na 2 biaha pa siman riba djadumingu i djaluna. E buelo pa Kòrsou lo keda efektuá ku un Boeing 737 MAX ku un kapasidat di 174 stul. Minister ta mira e desaroyo ku un bista positivo, pasobra e ta bini komo resultado di e deman-

da haltu di Canada pa Kòrsou. Esaki ta un resultado positivo, mirando sifranan ku CTB a publiká últimamente di desaroyo di turismo, kaminda Canada a resultá den e tòp 5 di paisnan ku a bishitá Kòrsou na luna di ougùstùs. Minister Cijntje ta aploudí e kolaborashon estrecho entre WestJet i

partnernan lokal, Ofisina di Turismo di Kòrsou (CTB), Curaçao Airport Partners (CAP), Curaçao Airport Holding (CAH) i Curaçao Hospitality & Tourism Association (CHATA), ku ta hasiendo esfuersonan inkansabel pa Kòrsou ta mas aksesibel pa turistanan for di Canada.



Dieskuater agente nobo pa Wardakosta Karibe Hulandes

WILLEMSTAD -- Despues di a finalisá ku éksito un estudio di un año, djabièrnè último, dieskuater aspirante a risibí nan sertifikado di Wardakosta i nan diploma di agente Polisial Ekstraordinario (BAVPOL), for di man di Direktor di Wardakosta di Karibe Hulandes, Walter Hansen i Alpha Falbru, Direktora di 'Opleiding-sinstituut Rechtshandhaving en Veiligheidszorg (ORV). E aspirantenan a risibí e diploma i sertifikado durante un seremonia na Marinebasis Parera. E aspirantenan ta agente di Wardakosta kompletamente desaroyá i establese i nan ta bai reforsá basenan di Wardakosta na Kòrsou, Sint Maarten i Aruba.

E aspirantenan aki a kuminsá ku e estudio Básiko di Wardakosta, e 'Basis Opleiding Kustwacht' (BOK) na ougùstùs 2022. Durante e kuater simannan despues nan a risibí

formashon. E asina yamá periodo 'Samen Sterk' durante kua a tèstnan tantu mental komo físiko. Despues di e simannan di formashon a kuminsá e sobrá parti di e formashon BOK. Nan a risibí lèsnan básiko di habilidat di tiru, habilidat noutiko, habilidat di temanan hurídiko i prosedimentunan di embarke. E aspirantenan a haña bastante retonan físiko, mental

i teorétiko i awor ta kla pa protehá i yuda e komunidadnan. Durante e seremonia tantu Direktor di Wardakosta, Walter Hansen komo Alpha Falbru di ORV, a dirigí nan mes na e agentenan. E agentenan nobo dentro di poko ta bai e puntonan di sosten di Wardakosta kaminda huntu ku otro agente nan di Wardakosta nan lo bai traha riba laman.



Riba restrukturashon di transporte públiko Komishon Sentral di Parlamento a deliberá ku Min. Cooper

WILLEMSTAD -- Djabièrnè 15 sèptèmber miembronan di Parlamento a reuní den un Komishon Sentral pa deliberá ku sr. Charles Cooper, Minister di Tráfiko, Transporte i Planifikashon Urbano, relashoná ku restrukturashon di transporte públiko na Kòrsou. Den e promé tanda, Miembronan di Parlamento

a hasi vários pregunta na e Minister di VVRP.

Presidente di Parlamento sra. Charetti America-Francisca a skòrs e reunion pa duna minister Charles Cooper e espasio pa formulá e kontestanan basá riba e preguntanan ku e titular a risibí enkuanto restrukturashon di transporte públiko na Kòrsou.



DEPORTE

Hopi interes pa outonan Hot Wheels

KRALENDIJK--Nos a tuma nota ku despues ku nos a haña e pista pa drift aya na Morotin na Rincon, ku no solamente e interes a lanta pa motosiklistanan, pero tambe pa e outonan Hot Wheels di kua tin bastante interes. E interes ta hopi grandi aktualmente pa esaki.

Informashonnan ku nos tin ta musta ku mas i mas

hende interesá den esaki ta buska nan outonan Hot Wheels i ya tin kantidat basta grandi aki na Boneiru.

Tambe di akuerdo ku informashonnan, lo bai amplia e pista pa e pustamentu di e outonan Hot Wheels. Esaki ta lanta tambe e interes i ya tin kantidat di e outonan aki a yega Boneiru i tin mas ku ta yegando.

Ku e pista nobo ku Boneiru a haña últimamente, hopi interes a lanta pa e deportenan ku por praktiká riba e pista aki, tambe momentu ku e pista pa drag ta kla.


Boneiru ta bayendo dilanti, sigur den bon direkshon pa loke ta su deporte en general.

Awó ku e pistanan pa drift i drag, Boneiru sigur

lo bai hopi dilanti momentu ku esakinan ta kompletamente kla i den uso.

Keda pendiente ya ku

nos ta sigui esakinan hopi djaserka i asina ku tin informashonnan konkreto nos lo amplia.



Pèrdiendo 1-3 kontra FC Twente

Ajax ta for di 'Champions League'

AMSTERDAM-- Ajax lo no hunga den 'Champions League' e siguiente temporada. E ekipo di Amsterdam mester a gana e partido kontra di FC Twente i spera riba un derota di PSV. E promé mishon ya a fracasá, pasobra na Enschede FC Twente tabata demasiado fuerte.

E temporada di desaster pa Ajax, tantu riba tereno deportivo komo atministrativo, tabatin un fin apropiá. Amsterdam su ekipo a baha for di top 2 den eredivisie pa promé biaha for di 2009 i a

ser sentensia na e 'playoffs' di liga oropeo e siguiente temporada.

Ajax tabata prepará pa un atardi difísil na Enschede, pasobra FC Twente ainda tabata invikto den nan mes kas e temporada aki. FC Twente a preshoná konstantemente e ekipo di Amsterdam i Manfred Ugalde i Michal Sadilek tabata serka di e promé gol den e promé binti minüt. Ajax, na otro banda, a repartí algun moveshon prometedor, pero no mas ku esei.

Sinembargo, Ajax a

tuma e liderato despues di mei ora. Kenneth Taylor a hunga e bala fuerte riba e delantero Brian Brobbey, kende na su turno a sigui pa Dusan Tadic.

Despues di 20 sekònde tabata promé Taylor i despues Edson Alvarez a hasi un eror grave i Manfred Ugalde a hasi e empate ku kabes. Sinku minüt despues, FC Twente a hasta tuma e liderato. E biaha aki tabata Julio Pleguezuelo kende fasilmente a pasa i hinka e gol.



Kampionato bola-8 ta kuminsá awe

KRALENDIJK--Kampionato biliart Bola-8 ta ranka sali awe nochi, awe djammers 19 sèptèmber 2023 den oranan di anochi den sala di biliart di Kompleho Deportivo Jorge Nicolaas na Kaya Amsterdam.

Manera ta konosí, siman pasá tabata planiá pa hasi apèrtura di kampionato biliart bola-8.

Pero na último momentu a surgi un problema ku e sistema di èrko ku a kai afó.

Esaki a tuma su tempu, a tuma tempu pa drecha esaki ku miéntrastantu a keda kla.

Nos a logra haña konfirmashon djaluna mainta ku tur kos ta kla reglá ku esaki, a drecha e fayó ku tabatin na esaki.

Ku otro palabra,

èrkonan ta funshonando bèk di manera ku e problema den e sala di biliart ta solushoná.

Ku esaki ta nifiká ku ya esakinan ta funshoná, loke ta hasi tambe ku e kampionato ta ranka sali djammers 19 sèptèmber 2023 mitar di ocho anochi na Kompleho Deportivo Jorge Nicolaas.

Aki ta sigui e promé weganan di e kampionato djammers 19 sèptèmber 2023 mitar di ocho anochi.

Djammers 19 sèptèmber 2023.

19:30 Azteca vs Rico Chet.

19:30 Los Cazadores vs The Untouchables.

Esakinan e promé 2 weganan di e kampionato di biliart bola-8 djammers 19 sèptèmber 2023.

Popularidat ta relativo
P'esei un propio estilo
No solamente pa ta eksitoso
Sino sigur mas balioso

BròKèS 93.5 FM
pokopoko pero sigur mas i mas hende ta ...

Skuch'è

Telefon/ WhatsApp +599 701 0935
www.radio935bonaire.com

Despues di 20 aña

Papi su flèktu ta serka di yega suela

KRALENDIJK – Papi Manuel su flèktu òf ‘staartje’ ta serka di yega suela. Binti aña pasá el a disidí di

kultivá e ‘staartje’ aki. Tin hende ta yama esaki maton, pero e denominashon tin kisas tin un kontenido ne-


gativo. Papi ta traha komo taksista na Boneiru pa hopi aña kaba, meskos ku diferente di su rumannan. Hopi biá e ta transportá personanenan importante for di Hulanda, manera minister i sekretarionan di estado. E tin bon reputashon serka e mandatarionan aki.

Semper su taksi ta limpi, Papi ta atendé su pasaheronan ku rèspèt i kortesia. Semper e ta nèchi bistí. I su ‘staartje’, su flèktu, di mes ta kapta nan atenshon.

Papi ta kuida su flèktu hopi bon. No falta mas pa a yega suela. Naturalmente e lo no bai laga su flèktu lastra na suela.

Papi: “Mi ta kere ku den ménos ku un aña lo ta asina leu. Lo mi dobl’é i hinka den mi saku patras.”

Ta kalkulá ku falta masoménos 15 pa 20 centimeter pa e flèktu di Papi toka suela.



\$12,995

M201 SEVEN SEATER



\$15,995

M401 ELEVEN SEATER



\$11,995

M201 CARGO



\$13,995

M401 CARGO



\$11,995

MD201 FLAT BED



\$15,995

MD201 CARGO BOX



\$14,995

MS201 DOUBLE CABIN



\$17,995

MD201 COOLING BOX

